

## Ավետիս

Բարով, բարով էս տաճարով, ավետիս, ավետիս,  
Սուն ու գերան հազարաշեն, ավետիս, ավետիս:

Աս տուն շինած գարնան ծաղկով, ավետիս, ավետիս,  
Աս տան քարեր սուրփ մարկըրիտ, ավետիս, ավետիս:

Կըտեր հողը խնկան փոշի, ավետիս, ավետիս,  
Հողի վրեն ծալած ոսկի, ավետիս, ավետիս:

Թոնիրները եկեղեցի, ավետիս, ավետիս,  
Լավաշները գործած խաչեր, ավետիս, ավետիս:

Հացթուխները խանում-խաթուն, ավետիս, ավետիս,  
Հարսներ բոլոր քանց եղվընիկ, ավետիս, ավետիս:

Տուն ավլողը ջուխստ աղունակ, ավետիս, ավետիս  
Զեռ ավելը փունջ մանուշակ, ավետիս, ավետիս: